



Broj:06-1-07-3- 29 /23
Sarajevo, 02.02.2023. godine
(J.R.O.)

Na osnovu člana 2.9 stav (1) tačka 6., a u vezi s članom 9.13 Izbornog zakona Bosne i Hercegovine ("Službeni glasnik BiH", broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i članom 58a. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom BiH („Službeni glasnik BiH“, br. 75/22 i 83/22), Centralna izborna komisija Bosne i Hercegovine je na 12. sjednici, održanoj 02.02.2023. godine, d o n i j e l a

ODLUKU

Odbija se ovjera Zlatana Begića, kandidata grupe delegata u Domu naroda Parlamenta Federacije Bosne i Hercegovine iz Kluba Ostalih, za izbor predsjednika i potpredsjednika Federacije Bosne i Hercegovine iz reda Ostalih.

Образложење

Predlagač grupa delegata u Domu naroda Parlamenta Federacije Bosne i Hercegovine je dana 30.01.2023. godine, putem Doma naroda Parlamenta Federacije BiH, dostavio Centralnoj izbornoj komisiji Bosne i Hercegovine kandidatski obrazac za izbor predsjednika i potpredsjednika Federacije Bosne i Hercegovine iz Kluba Ostalih, sa kandidatom navedenim u dispozitivu ove odluke.

Centralna izborna komisija BiH je u postupku provjere utvrdila da kandidatura Zlatana Begića za predsjednika/potpredsjednika Federacije Bosne i Hercegovine iz Kluba Ostalih, koju su potpisali članovi grupe delegata iz Kluba Ostalih Albin Zuhrić, Sandra Imširović i Senita Handukić, ne ispunjava uslove iz člana 9.13 Izbornog zakona Bosne i Hercegovine.

Odredbama člana 9.13 Izbornog zakona Bosne i Hercegovine je propisano da bilo koja grupa od jedanaest delegata iz svakog od klubova konstitutivnih naroda u Domu naroda može predložiti kandidata iz reda odgovarajućeg konstitutivnog naroda. Svi kandidati mogu biti izabrani u skladu s članovima 9.15 do 9.19 ovog Zakona ili na mjesto predsjednika ili na mjesto potpredsjednika Federacije.

Ukoliko u roku od 30 dana od dana potvrđivanja rezultata za izbor delegata u Dom naroda, potreban broj delegata u jednom ili više klubova konstitutivnih naroda ne predloži kandidata za mjesta predsjednika i dva potpredsjednika Federacije u skladu sa stavom (1) ovog člana, onda će to učiniti bilo koja grupa od sedam delegata iz kluba ili klubova konstitutivnih naroda u Domu naroda koji kandidate nisu predložili.

Shodno odredbama člana 9.13 Izbornog zakona Bosne i Hercegovine, kandidatura za izbor predsjednika i potpredsjednika Federacije Bosne i Hercegovine iz reda Ostalih, ispred grupe delegata u Domu naroda Parlamenta Federacije Bosne i Hercegovine iz Kluba Ostalih ili na bilo koji drugi način nije propisana zakonom.

Na osnovu naprije navedenog i činjenici da kandidat Zlatan Begić ne ispunjava uvjete iz člana 9.13 Izbornog zakona BiH, Centralna izborna komisija Bosne i Hercegovine je, u skladu sa članom 2.9 stav (1) tačka 6, a u vezi sa članom 9.13 stav (1) i (2) Izbornog zakona Bosne i Hercegovine i članom 58a. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana prijema ove odluke, koju Centralna izborna komisija Bosne i Hercegovine dostavlja putem elektronske pošte ili faks aparata.

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251 329, elektronskom poštom na e-mail adresu: kontakt@izbori.ba ili lično u sjedište Centralne izborne komisije Bosne i Hercegovine, Ulica Danijela Ozme broj 7, Sarajevo.

Dostavljeno:

1. Dom naroda Parlamenta Federacije BiH
2. a/a

